

大書法家張伯英先生

張劉永淑

先翁逝世三十周年紀念文（本文另有圖照刊第五頁）

先翁張公伯英，字勺圃，一字少溥，別署雲龍山民、榆莊老農，晚號東涯老人。生於清同治十年辛未七月二十四日；卒於民國三十八年己丑元月十五日，年七十有九。其先浙江紹興人，太

然非其志，後入南京江南高等學堂，治理化。越三載，復授舉人。宣統二年庚戌，考七品京官用，北遊京師，目睹清政腐敗、國勢頹廢，遂有經世之志。

瑞書，生性篤婉，通經史，工翰墨，乃同科段芝晉先生之姑，厥後先翁之功名成就，實得段氏之助也。

曾祖張垣公徙居江蘇銅山南鄉三堡榆莊。少負異才擅長書法工詩詞，並善古文辭，嘗與同里北洋名將徐樹錚學於府城雲龍書院，師承樹錚先生令尊忠清大師。光緒二十三年丁酉二十七歲，中恩科貢生。二十八年壬寅三十二歲，詔命補行庚子辛丑恩科，中舉。供職徐州戶部山鹽巡官家館，

翁原配崔氏，閩字敬宜，翰林公孫女，育二子二女，長子壽慈，次子愷慈，長女慈慧，次女慈勤。庚子亂作，產後病逝。崔氏翁姑故生長富厚，年十七來歸張府，茹苦無怨，而伉儷情篤，翁追念生平，輒痛悼莫能已。續娶蕭縣名門段氏，亦翰林之後，閩名

民國元年壬子三月，會合肥段公祺瑞任陸軍總長，派徐樹錚將軍為軍學處處長，先翁經樹錚將軍荐介，就段公幕府，出任幫辦。民國六年丁巳，段公就國務總理，派先翁任國務院秘書，使典書札，於文牘函電，多所贊襄。民國十三年甲子，段公就北京政府臨時執政，任先翁為秘書，後代理國務院秘書長職務。翁

周細陵遲四海沸宣王憤起揮天戈大

開明堂更朝賀諸侯劔佩鳴相磨蒐於岐

陽騁雄俊萬里禽獸皆遮羅鑄功勒成告

萬世鑿石作鼓嶽峩峨

達平先生屬 東涯老人張伯英

黃杰（達雲）將軍珍藏張伯英先生墨蹟。



本文作者張劉永淑女士早年的照相。

為官清正，有寧正弗苟之孤忠大義。居常清謹素儉，不營質產，所得俸給，常周給親舊，而所居不過聊蔽風雨，家用服飾器皿，皆有限制，其性雖僻，其情則真，襄辦財政，一絲不苟，所寶者名節也。上嘉許，特頒二等大綬嘉禾勳章與文虎勳章，用彰其功。

民國十四年乙丑，徐樹錚

將軍廊房遇難，翁知國事無可為，遂謝病去職，轉任平市自來水廠及電車公司董事，專心地方公益與教育事業。曾任北平成達中學教習，與都中鴻儒林畏廬、梁上棟、姚永概諸君子共事，教授經史古文並兼及書法，時以寬大啟學子，忠厚變士習，樂得天下英才而教之。

民國十八年己巳，農安萬福麟先生任黑龍江省主席，延翁修編省志。翁受命伊始，成立通志局，尅期成書。乃議甫定，而東北邊釁起，應聘來省者，堅欲回車，不得已移局北平分纂。翁日夜憂心，積勞成疾，往來其間，為狀至苦。民國二十一年壬申付梓，共六十二卷，為類十二，歧為子目；條分縷晰，詞達而理舉。役竣，翁為功不居，語同仁曰：「此不敢居通志之名也，曰黑龍江省志彙稿，方副其實。」是乃報萬福麟先生而釋區區重負焉。實則全書類各有體，取材既真，論斷亦嚴，足補近代史料之缺遺，其有裨於國者，詎有量哉。

民國廿六年丁丑，抗日軍興，北平既陷，羣寇猖獗，翁乃隱居北官坊口私寓，晨夕讀書習字，杜門不出。及「華北政委會」成立，王逆克敏屢邀致之，翁堅拒不出，誘逼萬端，不為動，旋與彼斷絕往來，志節凜然。

此期間，家計艱困，食指繁浩，全家二十餘口仰給先翁手中一管。艱困中，仍堅持所藏先賢手蹟文獻，不為敵偽所奪，日常與齊白石諸大師，以金石詩文酬應自遣。

抗戰勝利，翁欣聞捷報，喜不自勝。三十五

年丙戌，長孫儒和軍次巴蜀，特書詩為勉：

「目蕙峨峯臨岷帖，未慰十年遠別情，遊目山川等閒事，老人只是盼時平。」
時次孫為和，孫女太和亦在蜀，離翁五年有餘，老人感喟時艱，時涉遐思也。

民國三十七年戊子冬，聞傅逆作義醞釀「北平局部和談」，翁痛氣節之凌夷，念喪亂之無日，感憤成疾。迄三十八年己丑元月，病彌深而症益重，數日不食，遂逝於北平寓所。淑於時方與長子儒和隨陸軍大學由京移滬，顛沛流離，備嘗艱苦，噩耗傳來，既弗獲擁靈盡孝，又弗能墨經盡哀，歔歔流涕，而不知何伸哀忱。

翁生平好學，公餘之暇，手不釋卷，詩文橫逸有正氣，書法脫胎魏碑，自成一體，筆力渾厚清挹，幾具神化，寸縑尺楮，人競寶之。勝利前後，遠近求字者，士商濟踰。在台習見北市永寶齋一匾，乃店東常君子葺自天津老店揭合者，彌

足珍貴。外子愷慈，號孝退，書法有父風，人常誤以有代筆之事，實未之代，僅從書篆額而已。

翁於金石書畫有奇好，精於鑑賞，故都業者皆尊之。所藏王右軍真蹟，張黑女原拓，十七帖館本及唐宋名家書畫，價值連城。與修之黑龍江省志外，尙輯有黑龍江大事志四卷。著有橋西草堂詩稿一卷，惜未付梓即散佚。另徐州詩徵中亦多作品。右軍書範民國十六年曾由商務印書館印行，今已絕版，幸儒和同窗賀子湘俊皮藏一冊，睹物思親，賀子之賜也。

先翁天性溫靜，寡言笑，謙摶自持，制行方嚴，故雖抱志有為，而終澹泊名利。惟其不忤不求泰然不易其所守之精神，為世所罕觀，是望重如翁者，非偶然也。淑自民國六年來歸張府，隨侍先翁垂三十年，緬懷峻德，感涕不可仰，謹述其生平志事，以告故舊，俾兒孫知所效法焉。

徐州張伯英先生法書集預約

本集為當代書法家張伯英先生珍品集錦，內容豐富，包括條屏樓聯、扇面、匾額、函牘、題跋、印存等七大部份，菊版八開一二〇磅雪面銅版紙精印、穿線裝訂。

- 一、定價：平裝四百元 海外：平裝美金一百二元
精裝五百元 海外：精裝美金一百五十元（含郵資）
- 二、預約：八折優待，至六十八年二月底截止，二月下旬出書。
- 三、地址：台北市新生南路三段七之二號二樓、中外雜誌社
- 四、郵撥：一四〇四四號



(上圖)大書法家徐州張伯英先生(二排中坐者)與家人合影,最後一排左為張先生之長孫現任國防次長張儒和將軍。

(文見88頁)

照。

(下圖)安東小姐杜玉坤(右)與女友合影。

(文見118頁陳嘉驥「本溪湖求籤記」)

